

Marking Scheme
Strictly Confidential
(For Internal and Restricted use only)
Secondary School Examination, 2026 (Xth)
SUBJECT NAME : Bodo (Q.P. CODE /Set No. 092/54)

General Instructions: -

1	You are aware that evaluation is the most important process in the actual and correct assessment of the candidates. A small mistake in evaluation may lead to serious problems which may affect the future of the candidates, education system and teaching profession. To avoid mistakes, it is requested that before starting evaluation, you must read and understand the spot evaluation guidelines carefully.
2	“Evaluation policy is a confidential policy as it is related to the confidentiality of the examinations conducted, evaluation done and several other aspects. Its leakage to public in any manner could lead to derailment of the examination system and affect the life and future of millions of candidates. Sharing this policy/document to anyone, publishing in any magazine and printing in Newspaper/Website, etc. may invite action under various rules of the Board and IPC.”
3	Evaluation is to be done as per instructions provided in the Marking Scheme. It should not be done according to one's own interpretation or any other consideration. Marking Scheme should be strictly adhered to and religiously followed. However, while evaluating, answers which are based on latest information or knowledge and/or are innovative, they may be assessed for their correctness otherwise and due marks be awarded to them. In Class-X, while evaluating two competency-based questions, please try to understand given answer and even if reply is not from marking scheme but correct competency is enumerated by the candidate, due marks should be awarded.
4	The Marking scheme carries only suggested value points for the answers. These are in the nature of Guidelines only and do not constitute the complete answer. The students can have their own expression and if the expression is correct, the due marks should be awarded accordingly.
5	The Head-Examiner must go through the first five answer books evaluated by each evaluator on the first day, to ensure that evaluation has been carried out as per the instructions given in the Marking Scheme. If there is any variation, the same should be zero after deliberation and discussion. The remaining answer books meant for evaluation shall be given only after ensuring that there is no significant variation in the marking of individual evaluators.
6	Evaluators will mark (✓) wherever answer is correct. For wrong answer CROSS 'X' be marked. Evaluators will not put right (✓) while evaluating which gives an impression that answer is correct and no marks are awarded. This is most common mistake which evaluators are committing.
7	If a question has parts, please award marks on the right-hand side for each part. Marks awarded for different parts of the question should then be totaled up and written in the left-hand margin and encircled. This may be followed strictly.
8	If a question does not have any parts, marks must be awarded in the left-hand margin and encircled. This may also be followed strictly.
9	If a student has attempted an extra question, answer of the question deserving more marks should be retained and the other answer scored out with a note “Extra Question” .
10	No marks to be deducted for the cumulative effect of an error. It should be penalized only once.
11	A full scale of marks _____ (example 0 to 80/70/60/50/40/30 marks as given in Question Paper) has to be used. Please do not hesitate to award full marks if the answer deserves it.

12	Every examiner has to necessarily do evaluation work for full working hours i.e., 8 hours every day and evaluate 20 answer books per day in main subjects and 25 answer books per day in other subjects (Details are given in Spot Guidelines). This is in view of the reduced syllabus and number of questions in question paper.
13	<p>Ensure that you do not make the following common types of errors committed by the Examiner in the past :-</p> <ul style="list-style-type: none"> • Leaving answer or part thereof unassessed in an answer book. • Giving more marks for an answer than assigned to it. • Wrong totaling of marks awarded on an answer. • Wrong transfer of marks from the inside pages of the answer book to the title page. • Wrong question wise totaling on the title page. • Wrong totaling of marks of the two columns on the title page. • Wrong grand total. • Marks in words and figures not tallying/not same. • Wrong transfer of marks from the answer book to online award list. • Answers marked as correct, but marks not awarded. (Ensure that the right tick mark is correctly and clearly indicated. It should merely be a line. Same is with the X for incorrect answer.) • Half or a part of answer marked correct and the rest as wrong, but no marks awarded.
14	While evaluating the answer books if the answer is found to be totally incorrect, it should be marked as cross (X) and awarded zero (0) Marks.
15	Any unassessed portion, non-carrying over of marks to the title page, or totaling error detected by the candidate shall damage the prestige of all the personnel engaged in the evaluation work as also of the Board. Hence, in order to uphold the prestige of all concerned, it is again reiterated that the instructions be followed meticulously and judiciously.
16	The Examiners should acquaint themselves with the guidelines given in the “ Guidelines for Spot Evaluation ” before starting the actual evaluation.
17	Every Examiner shall also ensure that all the answers are evaluated, marks carried over to the title page, correctly totaled and written in figures and words.
18	The candidates are entitled to obtain photocopy of the Answer Book on request on payment of the prescribed processing fee. All Examiners/Additional Head Examiners/Head Examiners are once again reminded that they must ensure that evaluation is carried out strictly as per value points for each answer as given in the Marking Scheme.
19	If a candidate attempts both alternatives/options in a question where only one option/alternative is required to be attempted, the Evaluator shall award marks in both the options. The system will take the higher of two scores and disregard the other response.
20	In a question having two options/alternatives, if a candidate has attempted only one, then the evaluator shall mark “NA” (Not attempted) against the option that has not been attempted by the candidate.

MARKING SCHEME
BODO (Subject Code-092)
(PAPER CODE : 54) (M54092)

Time : 3 Hours

Marks : 80

Q.No.	EXPECTED OUTCOMES/VALUE POINTS	Marks
Part – A Objective type MCQ Paper		
सौथि नं. 1.		5x1=5
(i)	फिन: (B) मोनथाम	1
(ii)	फिन: (C) -नोसै	1
(iii)	फिन: (B) -आ	1
(iv)	फिन: (C) बैराथि	1
(v)	फिन: (A) साजा लुबै	1
सौथि नं. 2.		10x1=10
(i)	फिन: (B) मिष्टिक सानसि बेरखांनाय खनथाइ	1
(ii)	फिन: (A) बिबार खानाय	1
(iii)	फिन: (C) दाइन सिरि आरो द सिरि	1
(iv)	फिन: (B) बर'फोरनि धोरोमजो सोमोनदो गोनां फोरबो।	1
(v)	फिन: (A) मोन्दाथिनि रोजाबथाय	1
(vi)	फिन: (B) गोदान नबथि लुनायनि सिमां	1
(vii)	फिन: (B) मोदोम गोरलै फोथार	1
(viii)	फिन: (A) खनथाइगिरिया गावखौ	1
(ix)	फिन: (B) आगर गैयि जाब-जुब हि	1
(x)	फिन: (D) एरायनाय	1
सौथि नं. 3.		10x1=10
(i)	फिन: (A) सुबुंजो खंजानाय हादर	1
(ii)	फिन: (C) बापीराम हाज'रिका	1
(iii)	फिन: (B) बांसियाल	1
(iv)	फिन: (B) 21,798 फुट	1
(v)	फिन: (C) थेमबायरामनि फिसाजो	1
(vi)	फिन: (A) बबुराम ब्रह्म	1
(vii)	फिन: (C) नमल चन्द्र बरा	1
(viii)	फिन: (A) चुइजारलेण्डनि जेनेभा	1
(ix)	फिन: (A) जोहोलावफोरनि खुगा मेथाइ	1
(x)	फिन: (D) मिथिंगायारि मोसानाय	1

	PART – B Descriptive type pen paper test	
सॉथि नं. 4.		5x2=10
(i)	<p>फिन:</p> <p>फन थाखाया बर'फोरनि गोदोनि दोरोडारि हाबाजों सोमोनदो गोनां मोनसे खानथिमोन। बे खानथि बादियै हाबायाव फिसाजो बिलायोब्ला हिनजाव लागोआ हौवा लागोनिफ्राय बुरजा बिबांनि थाखा एबा रां दाबि खालामोमोन। बे रां एबा थाखाखौनो फन थाखा बुंनाय जायोमोन।</p>	2
(ii)	<p>फिन:</p> <p>बैराथिया बर' हाबानि मोनसे एंगारनो हायि बाहागो। हिनजाव लायनो थांगोन खालि हौवा लागोनि ननिफ्राय खमैब्लाबो सानै बैराथिया हिनजाव लागोनि नवाव थांनानै आलासिफोरने गइ-फाथै, बिरि, मला, थांखु, हंखा, जौ, सेरेब आरि रानना होना रायदावनांगौ। बेखौनो रायथाइगिरिया "बराय बराय रायथि- बैराथि" जादों होनना बुंदों।</p>	2
(iii)	<p>फिन:</p> <p>जोहोलाव मेथाइया बर' खुगा मेथाइनि मोनसे एंगारहायि बाहागो। बर'फोरनि गेजेराव गोबां जोहोलाव-जोहोलावजो उंजिदोंमोन नाथाय जोंनि गेजेराव बेनि लिरनाय जारिमिन मोननो थाडा। मुख'जाथाव दि बे जोहोलाव-जोहोलावजोफोरनि गोहो-बोलो, मावनाय-दांनायफोरा जोंनि खुगा मेथाइफोरनि गेजेरजों बेरखांदोंमोन। बे बादि दोंसे मेथाइनि बिदिनथि महरै मोननो हायो बासिराम जोहोलाव, दावहाराम जोहोलावमोनखौ लानानै गोदोनिफ्राय खनबोनाय दोंसे मुख'जाथाव मेथाइ-</p> <p>गराइया दाब्रायदो बासिराम जोहोलाव गंगार सुबाया फैलायगौ आदा दावहाराम जोहोलाव नोंबो दावगालांदो नोंबो मैदेरजों बेंसहैदो।</p>	2
(iv)	<p>फिन:</p> <p>अनजु नार्जरीया लिरनाय गांनै खनथाइ बिजाबनि मुडा-फासिनि दौलेडाव अखाफोर आरो नोंनि जिउ आंनि बिबुंथि।</p>	2
(v)	<p>फिन:</p> <p>'बिबार खानाय' खनथाइया दोंसे गोजाम नेरसोनथियारि खनथाइ। बेयाव खनथाइगिरिया आगै दैसारी, लाइसारी, मनसारी होननानै लेखा फरायाव उन गोम्लैसोना थानाय बर' लाइमोन सिखलाफोरखौनो थांखिनानै बुंदों। थामहिनबा खनथाइगिरिया बिसोरखौ हानायसेबां बैसो थासानदियावनो गियान आरजिनो, सोलोंथाइ लानो खावलायदों।</p>	2

<p>सोथि नं. 5.</p>		<p>7x5=35</p>
<p>(i)</p>	<p>फिनः ‘जिउनि अलंबार’ खनथाइया दोंसे इसोर सिबिनाय सानसि एबा रहस्य सानसि बेरखांनाय (Mystic) खनथाइ। खनथाइगिरि सुरथ नाजरीया लिरनाय बे खनथाइखौ बिथानिनो ‘जिउनि अलंबार’ खनथाइ बिजाबनिफ्राय लानाय जादों। बेयाव खनथाइगिरिया गावनि हावरिया जिउखौ दिनथिदों। खनथाइगिरिया गावनि थेर बेथेर जालांनाय दुखुथिया जिउखौ गोदानै सुजुफिननो थाखाय इसोर-अबंलावरिखौ मोननो हासथायदों। खनथाइगिरिया फोथायो इसोरा लुबैब्ला, अनोब्लासो सुबुं जिउवा गोजोन जायो। बेखौनो खनथाइनि गेजेरजों खनथाइगिरिया औरै फोरमायदों-</p> <p>बे आंनि थेर बेथेर जालांनाय जिउखौ बे आंनि लाथिख जालांनाय जिउखौ गोदानै सुजुनो होननानै आबुं खालामनो होननानै नौखौनो अनसायदों आफा नौखौनो हास्थायदों।</p> <p>नाथाय सुबुं जिउनि हासथायनाय-लुबैनायनि अनजिमा गैया। सुखु-दुखुनि बुंफुरलु मोननो थाडा। सुबुडा सानफ्रोमबो गावनि लुबैनायनि उन उन खारो आरो हाजासे दुखु मोननो गोनां जायो। बेखायनो सुबुडा सानो इसोरासो बिसोरनि जिउखौ दैथिडो, बेखायो इसोरखौ मोननो हासथायो। नाथाय इसोरखौ लोगो मोननो हानाया गोरलै नडा, बिखौ जेसेनो खाथियाव मोननो नागिरो एसेनो जानगारलाडोसो। बेनो खनथाइयाव औरै जायगा मोनदों-</p> <p>गोरलैयै मोनदांमोनगोन होननाया दिनै माथो गोजनसिन जाखो आफा दिनै माथो आनज्राय लांसिनखो।</p> <p>खनथाइगिरिया सिमान लादोंमोन दि बि इसोरखौ जोबोरैनो मोजां मोनो अब्लाबो बियो नाजासे नाजानानैबो गोसोनिफ्राय हासथायनाय-लुबैनायफोरखौ गारनो हायाखै। बेखौनो बिथाडा खनथाइनि गेजेरजों औरै फोरमायदों-</p> <p>नौखौ मोजां मोनो होननानै समाय लानाया दाबोनो जाफुं जोबाखै, आंनि बेरेखा फावआ गोसोनिफ्राय दाबोनो बारनलाडाखै।</p> <p>अब्लाबो खनथाइगिरिया गसाइखौ अराय मोननो हायथायो, गसाइनि अननाय मोननो लुबैयो। बेनो खनथाइनि जोबथारनायाव औरै बेरखांदों-</p> <p>थेवबो बे दुखुथिया जिउआ जेनिबो गेजेन गोसोनि गेजेरजों नौनि अननाय लुबैयो ग’साइ नौनि अननाय लुबैयो.....</p> <p>जोबथारनायाव बेखौनो बुंनो हायो दि बे दोंसे आबुं इसोर सिबिनाय सानसि बेरखांनाय रहस्य (Mystic) खनथाइ। खनथाइगिरिया इसोरखौ मोननो हासथायदोंब्लाबों इसोरखौ मोननो हानाया गोरलै नडा। सुबुडा जेब्लासिम गाव एबा आं साननायखौ बाउसोमनो हाया अब्लासिम सोरजिगिरि अबंलावरिजों गोरोबसे जाहैनो हाया होननानै खनथाइगिरिया बुंदों। नाथाय बियो गावनि लुबैनाय-हासथायनायफोरखौ बाउसोमनो नाजादों। बेखायनो इसोरनि अननाय मोननो हासथायदों। बे गासै बिथिंफोरखौ नोजोर होनानै बैखौ दोंसे आबुं रहस्य एबा इसोर सिबिनाय सानसि बेरखांनाय खनथाइ मह्रै गनायनो हायो।</p>	<p>5</p>

(ii)

फिन:

‘मन्थि फैगोन’ सुंद’ सल’वा जनिल कुमार ब्रह्मनि दोसे मुख’जाथाव सोरजि। बे सल’वाव गोगलैसोना थानाय गंसे बर’ गामि मावामारिखौ दिनथिनो नाजानाय जादों। भारतनि उदांसिनि बाजिब्रै बोसोर बारग’लांनायनि उनावबो लामा, फरायसालि, मोब्लिबनि राहा गैयि गोबां बर’ गामिफोर जौनि गेजेराव दाबो दं। सोलौंथाइ गैयि सादा-बुसा सुबुंफोरखौ थगाय-थसि खालामनानै जाग्रा एम.एल.ए., मिनिष्टारफोरा बोसोरि सदबांसार’ लायो नाथाय बिसायख’थि देरहाखांनायनि उनाव माब्लाबाबो नुजाहैफिना। बे बादि थासारिखौनो बे सल’नि गेजेरजौं दिनथिनो नाजानाय जादों।

सल’वाव गाहाइ आखु महरै मावामारि गामिनि गावबुरा थेमबायरामजों लोगोसेनो गुबुन गुबुन आखुफोर नुनो मोननाय जादों। सौंथि बादियै बे सल’वाव नुजानाय आइजो आखुफोरखौ सावरायनो नाजानाय जाबाय।

आइजो आखु महरै नुजादों थेमबायरामनि बिसि थुनथि, फिसाजो बांबुलि, थेमबायरामनि रुवाथि खावब्लिद आरो बांबुलिनि लोगो गिन्द्रि।

सल’वाव मनथि फैगोननि आराव जानायखौ नुनो मोननाय जादों। मावामारि गामिनि मानसिफोरा सिगाडाव माब्लाबाबो मनथि नुफेराखैमोन। बेखायनो मनथिफोरनि महरा मा बादि जायो बेखौ नायनो लुबैथारनायखौ सल’वाव नुनो मोननाय जादों।

सल’वाव आइजोफोरा गाहाइ आखु महरै जायगा मोनाखैब्लाबो आइजोफोरा मैखोम बिफाव लानायखौ नुनो मोनो। मनथि फैगोननि आराव जादों गामियाव। बेनि सुबिदा लानानै गोबां सिखाव-दाखाथफोराबो खाबु लालायनायखौ नुनो मोननाय जादों।

गावबुरा थेमबायराम गैयाब्लाथ’ हाबाफारियानो जानाय नंला, बेखायनो बियो नखरनि मानसिफोरखौ मिथिडाव थांनाडा होनना बुंदोंमोन। बेनो सल’वाव औरै बेरखांदों-“थुनथि, गाबोन अखा नायब्लानो मन्थिया फैगोन। आंहाथ’ जोबोद बेस्थथार। आं नडाब्लानो मन्थि फैगोन प्रग्रामनि हाबाया जानाय नडा। बेनिखायनो नोंखौ बुडो आं-नोंसोर बे मेथेडाव दाथांसै।” अब्ला थुनथिया फिसाइनो फिननायखौ होदोंमोन औरै- “जाया जाया, नोंनि बाथाया जानो हाथा। नखराव मा जायो जाथों। बिफाखौ मोनथोंबो मन्थिखौ हले नायथारगोनखि नायथारगोन आं। मिथिबाय?”

थेमबायरामनि फिसाजो बांबुलियाबो मनथिखौ मोसानानै बरायनो हांखुर जाना थानायखौ नुनो मोननाय जादों। राहागोथे जानानै थेमबायरामा फिसाजोखौ न नेनो बुंदोंमोन। बेनो सल’वाव औरै बेरखांदों- “बांबुलि आइ, नोंनो मेदेल गोनां सनानि नेगलेस बायना होगोन आं। नों सिखला मानसि मेथेडाव दाथांसै। नआवनो थादो।” बेनि फिननायाव बांबुलिया औरै बुंनायखौ खोनानो मोनो-“अह, आफा नों बुंनाया जानाय नडा। जोंहा गाबोननि प्रग्रामनि जुनै दिनैनिफ्रायनो हरसेमानि मोसानायनि थालिम होनांगौ दं। नै थांनोसैबो आं।”

बर’ गामियाव एसे गोनां गोथोंफोरनि नवाव दाहोना रुवाथि थानायखौ नुनो मोननाय जायो। बे हिसाबै थेमबायराम गावबुराहाबो सासे रुवाथि दंमोन मुडा खावब्लिद। रावखौबो न नेनो मोनिखाय बियो खावब्लिदखौनो बुंसाहरनायसै औरै-“खावब्लिद आयं, होमब्लालाय गाबोननि दिनाव नखौ नोंनो नेदो। नांगौथाय नोंनो दानबानथाखौनो महनसे बाराखौनो हरसिगोन आं।।” नाथाय खावब्लिदनि फारसेथिनिफ्राय जेबो फिननाय फैखादिया। अखानायै जेब्ला थेमबायराममोना मिथिडाव थांनो ओंखारो अब्ला खावब्लिदा हुख-हुख गाबनायखौ खोनानो मोनो आरो मा जाखो सौंनायाव बियो फिन होयो-“मन्थिखौ आंबो नुफेराखै आयं। मन्थिया मानसि ना मोदाइ आंबो नायगौमोन। अननानै आंखौबो मन्थिखौ नायनायनो हगारहरदो-आयं।”

थेमबायरामनि फिसाजो बांबुलिनि लोगो गिन्द्रिया सल’वाव जायगा मोनदोंब्लाबो बिजों सोमोनदो गोनां जेबो जाथाइ जानायखौ नुनो मोननाय जायाखै।

गोजौनि सावरायनायनिफ्राय मिथिनो हायो दि सल’वाव जायगा मोननाय साथामबो आइजोफोरा गावबा गावनि थांखिखौ जाफुंसारहोनायाव देरहासार जानो हादों। हौवाफोरनि समान समान गावसोरनि मोनथाइ, थामोनथाखौ दाबि दैखांनो हानायखौबो नुनो मोननाय जादों। थामहिनबा सल’नि आइजोफोरखौ आथिखाल मुगानि साफा साफा उदां आइजो महरै गनायनो हायो।

(iii)	<p>फिन:</p> <p>तिवाफोरनि गेजेराव हारियारि सांग्रांथि लाबोनाय सुबुंफोरनि गेजेराव इन्द्रजित देउरीनि मुडा बयनिखुइ सिगांसिनाव फैयो। बिथांनि जोनोमा सोनाब कार्बि आलं जिलानि गोम्लैसोनाय हालाम रंखैपार गामियाव 1932 मायथाइयाव जादोंमोन। बिथाडा मालचिं पमा आरो मामा आमचिनि थामथि फिसाज्जलामोन। 1939 मायथाइयाव कार्बि आलं जिलानि बाउलागग गुदि फरायसालियाव सोलेंथाइ जिउखौ जागायो आरो नगाव जिलानि डिमौ गोजौ फरायसालियाव थाखो दाइनसिम फरायनानै राडारि आंखालनि थाखाय फरायनाय जिउखौ एसेयावनो फोजोबनो गोनां जायो। 1949 मायथाइयाव बिथाडा भारतारि बिग्रायारि कमिउनिष्ट हानजाजों सोमोनदोआव फैयो आरो बेयाव हाबनानै हानजानि खामानियाव मुखुब जायो। हानजायाव थानानै बिथाडा तिवाफोरनि समाजारि, राजखानथियारि, रांखानथियारि आरो सोलेंथाइयारि बिथिडाव खामानि मावनो लायो। गोम्लैसोना थानाव बे बिथिंफोराव सांग्रांथि लाबोनो नाजायो। बिथाडा 1951 मायथाइयाव भेतेनारि बिफानाव साख्रियाव हाबदोंमोनब्लाबो नाथाय 1953 मायथाइयाव साख्रिखौ गारनानै फिन हारि फोजाखानाय खामानियाव मुखुब जालाडो। कार्बि आलं जिलानि तिवाफोरनि गेजेराव थानाय खोमसि फोथायनायखौ फोजोबस्रानानै सोलेंथाइनि सोरांजों बिसोरनि गेजेराव सोलायनाय लाबोनो नाजादोंमोन। बेखायनो बिथाडा बिन माछलाइ, रबटसिं आमचि आरो पद्मकान्त काकतिखौ लाफाना 1960 मायथाइयाव थाराखुन्जी गामियाव 'तिवाचा मिचन' मुंनि मोनसे समाजारि फसंथान जोनोम होदोंमोन। बे फसंथाना तिवाफोरखौ गुदि फरायसालिजों लोगोसे बैसोगोरा सुबुंफोरनो सोलेंथाइ होनो फरायसालि गायसनदोंमोन। बे मिचना तिवाफोरनि नखर सिल्पखौबो जौगाहोनायनि बिथिडाव खामानि मावदोंमोन।</p> <p>बेनि अनगायैबो 'अल पार्टी हिलच लिडार कनफारेन्स'आ बाहागोसे तिवा थाथाइ ओनसोलखौ लाफाना मेघालय रायजो दानो दाबि दैखांनायखौ इन्द्रजित देउरीया हेंथा होदोंमोन बिथाडानो 1967 मायथाइयाव 'लालुं दरबार' मुंनि मुख'जाथाव तिवा गौथुम दादोंमोन। बिथाडा कार्बि आलं गावखुंथाइ परिषदाव 1967 मायथाइयाव सासालग सोद्रोमा मह्रै सायख'हरजायो। 1981 मायथाइयाव खुंजानाय साधारण बिसायख'थियाव आमरि बियाबनिफ्राय लालुं दरबारनि जानानै उदां बिजाथि मह्रै बादायनानै देरहानो हायो। राजखानथियारि बिबान बानस'नायनि अनगायैबो बिथाडा तिवा थुनलाइ सिबिनायावबो आखाइ होदोंमोन। बिथाडा खनथाइ, मेथाइ बायदिफोर लिरनानै लाइसिफोराव फोसावदोंमोन। बेफोरनि गेजेराव 'तिवा तचिमा' मेथाइया तिवाफोरनि हारियारि मेथाइ मह्रै गनायथि मोनो। बे मेथाइनि देंखोखौ बिथाडा गावनो होदोंमोन। बिथांनि बे गासै बिहोमाफोरनि थाखाय हाजोआरि तिवाफोरा बिथांखौ 'फा परै' (हारिनि बिफा) होननानै गाबज्रियोमोन। बे गेदेमा सुबुडा 1994 मायथाइनि 20 आगष्ट खालि रुंसारि जालाडो।</p>	5
-------	---	---

(iv)	<p>फिन:</p> <p>बर'फोरा सा-सानजा भारतनि मोनसे गेदेमा हारि। बे रावा भारतारि संबिबिजिरनि दाइनथि फारियाव जायगा मोननाय मोनसे मुंख' जाथाव राव। बे राव रायलायगा सुबुंफोरा आसामनि सडियानिफ्राय सा बंग'सिम आरो साहा नेपालनिफ्राय बांलादेशसिम गोसारना दं। राव बिगियानगिरि प्रम'द चन्द्र भट्टाचार्यनि बादिब्ला किरात रायजो खुंथाइनि समाव बे रावा सरखारि आरो बिजिरसालिनि राव मह्रै गनायजादोमोन। बर' रावा चिन'-तिब्बतान राव फोलेरनि तिब्बत बार्मारि राव दालाइनि मोनसे मुंख'जाथाव राव। बर' रावनि दालाइ एबा बाहागि रावफोरा जादो डिमासा, गार', राभा, चुटिया, लालुं, हाजं आरो तिवा। बर' रावा आसामनि डिमासा आरो तिवा, मेघालयनि गार' आरो त्रिपुरानि ककबरक रावजो खाथि सोमोनदो दं। 1963 मायथाइयाव बर' रावा गुदि थाखोआव बिजो मह्रै गनायथि मोनो आरो 1968 मायथाइयाव गोजौ फरायसालि थाखोआव जायगा मोनो। बेनि अनगायैबो 1977 मायथाइयाव गुवाहाटी मुलुगसोलोसालिया गोदान भारतारि राव (MIL) मह्रै गनायथि होयो। 1984 मायथाइनिफ्राय बर' रावखौ आसमानि रायजोआरि राव मह्रै गनायथि होनाय जायो। 2003 मायथाइयाव BTC गोरोबथा बादियै बर' रावखौ भारतारि संबिजिरनि दाइनथि फारियाव सोसननाय जायो। 2005 मायथाइनि 17 अक्तबराव बर' रावा भारतनि जौसिन उदा थुनलाइ फसंथान साहित्य अकाडेमीनिफ्राय गनायथि मोनो।</p> <p>बे बेसेबा गुवार जायगा आवग्रिना थानाय बर'फोरनि थुनलाइया गिबियै 1915 मायथाइयाव जागायजेनदोमोन। बर' रावनि गिबि बिजाब 'बर'नि फिसा 3 आयेन'खौ गंगाचरण कछारीया लिरदोमोन। सित्तरन्जन सोमाहारीया गिबि बर' सल'मा बिजाब 'जुजाइनि अर'खौ 1962 मायथाइयाव लिरदोमोन। बिथाडानो बर'नि गिबि सुंद' सल' बिजाब 'फैमाल मिजि'खौ 1970 मायथाइयाव लिरदोमोन। बेफोरनि अनगायैबो बर' रावाव गोबां खौरां बिलाइ फोसावनायखौ नुनो मोनो। बेफोर जादो- बनजार, अरगें, रादाब, बड'सा, बर'लेण्ड खौरां, गोदान खौरां, लड'लेण्ड सानस्रि, बड'लेण्ड इंखं, हायेननि रादाब बायदि बायदि।</p> <p>बर' राव थुनलाइ जौगानायाव खृष्टान मिसनारिफोरनिबो गोबां बिहोमा थानायखौ नुनो मोनो। बिसोरनि गेजेराव सिदनि एण्डेलनि Outline Grammar of the Kachari Language (1884), The Kacharis (1911), L. C. Skrefsrud नि A Short Grammar of the Mech or Boro Language (1889) फोरानो मुंख'जाथाव। बेफोरनि अनगायैबो कैलास चन्द्र चौधुरीनि 'बर' भाषा संग्रह' (1932) बंकिम चन्द्र ग'हाइनि 'बर' भाषा' (1937)। बेफोरनि अनगायैबो आरोबाव गांसे मुंख'जाथाव बिजाबा जादो प्रम'द चन्द्र भट्टाचार्यनि 'A Descriptive Analysis of the Boro Language' (1977)।</p> <p>1915 मायथाइनिफ्राय आथिखालसिमनि बे गोलाव समफारियाव बर' रावाव गोबां आयदानि बिजाब सोरजिजाबाय जाय बर' थुनलाइखौ मोनसे गोख्रो बिथा होनो हानायाव जाफुंसार जानो हानायखौ नुनो मोनो।</p>	5
------	--	---

(v)	<p>फिन:</p> <p>थाइजानि हाबा जाफुनाय सम एबा बोथोरखौनो बिदिनथा बुंनाय जायो। बर' रावनि बिदिनथाखौ मोनथाम बाहागोआव राननानै सावरायनो हायो। बेफोर-</p> <p>(क) दा बिदिनथा एबा जाफु बिदिनथा (Present Tense)</p> <p>(ख) गोदो बिदिनथा एबा जाखां बिदिनथा (Past Tense)</p> <p>(ग) इयुन बिदिनथा (Future Tense)</p> <p>दानिया सोथिं बादियै इयुन बिदिनथा आरो बेनि बाहागोफोरनि सोमोनदै सावरायनो नाजानाय जाबाय।</p> <p>जाय बिदिनथाया थाइजानि खामानि इयुनाव जागोनखौ फोरमायो बेखौनो इयुन बिदिनथा बुंनाय जायो। इयुन बिदिनथाखौ खामानि मावनायनि आखुथाइनि सायाव बिथा खालामनानै खाथि इयुन बिदिनथा आरो गोजान इयुन बिदिनथा बे मोननै बाहागोआव राननानै सावरायनो हायो।</p> <p>(I) खाथि इयुन बिदिनथा :</p> <p>जाय थाइजा दाजाबदानि गेजेरजों थाइजानि खामानिया दानिफ्राय दानदिसे समनि उनावनो जाथारसिगोन होननानै फोरमायो बै बादि बिदिनथाखौनो खाथि इयुन बिदिनथा बुंनाय जायो। बेखौ फोरमायनो थाइजाजों {-नोसै} उन दाजाबदा दाजाबनाय जायो। गाहायाव मोननैसो बिदिनथिनि गेजेरजों फोरमायनो नाजानाय जाबाय-</p> <p>बियो फरायसालियाव थां-नोसै।</p> <p>आं ओखाम जा-नोसै।</p> <p>गथ'वा उनदु-नोसै।</p> <p>(II) गोजान इयुन बिदिनथा :</p> <p>जाय थाइजा दाजाबदानि गेजेरजों थाइजानि खामानिया दानिफ्राय गोबां सम उनाव एबा दानदिसो उनाव जागोन, नाथाय थाइजानि खामानिया जानायनि समा जेबो थि नडा बेखौ फोरमायो बे बादि बिदिनथाखौनो गोजान इयुन बिदिनथा बुंनाय जायो। बेखौ फोरमायनो बर' रावाव थाइजाजों {-गोन} उन दाजाबदा दाजाबनाय जायो। जेरै-</p> <p>रामा ओखाम जा-गोन।</p> <p>हरिया बाजाराव थां-गोन।</p> <p>बिबारिया लेखा फराय-गोन।</p> <p>गोजौनि सावरायनायनिफ्राय बेखौनो मिथिनो हाबाय दि बर' रावनि इयुन बिदिनथाखौ मोननै बाहागोआव बोखावनानै सावरायनो हायो। बे बिदिनथाखौ दिनथिनो थाइजाजों फारियै {-नोसै} आरो {-गोन} उन दाजाबदा दाजाबनाय जायो।</p>	5
-----	---	---

(vi)	<p>फिन:</p> <p style="text-align: center;">मिथिसार बिलाइ</p> <p style="text-align: right;">खालार : XXX</p> <p>बे मिथिसार बिलाइनि गेजेरजों फरायसालिनि गासै फरायसाफोरखौ मिथिहोनाय जायो दि फैगौ 4-10 जानुवारि, 2026 सिम जानोगोनां 'फरायसालि सप्ता'जों सोमोनदो लाखिनानै फरायसालियाव फूटबल, भलिबल, खख', काबादि, खारनाय, बारनाय बायदि गेलेमुफोरजों लोगोसे हारिमुवारि आरो थुनलाइयारि बादायलायनायफोरखौबो खुंफुनो लानाय जादों।</p> <p>बेखायनो फरायसालिनि गासै फरायसाफोरखौ गोजौवाव मुख'नाय बादायलायनायफोराव बाहागो लानो खावलायनाय जाबाय।</p> <p style="text-align: center;">गोजोनथों।</p> <p style="text-align: right;">गोरायुं/गाहाइ फोरोंगिरि, फरायसालिनि मुं: XXX</p>	5
(vii)	<p>फिन:</p> <p>दावबायनाया सुबुं जिउनि मोनसे एंगारनो हायै आयदा। बे दावबायनाया जारिमिनारी, धोरोमारि, हारिमुवारि बिथिडाव जानो हायो। दावबायनाया गोसो, देहाखौ गोख्रों खालामनायजों लोगोसेनो हादरारि सांग्रांथि एबा खैसेथि लाबोनायावबो सांग्रांथि लाबोयो। दावबायनाया मानसिनो बै जायगानि-ओनसोलनि बारहावा, हारिमु, राव, थुनलाइ, जारिमिन, सोदोमसिनि सायाव गियान, रोंगौथि होयो। बेखायनो बेयो सुबुं जिउनि मोनसे एंगारनो हायि बाहागो।</p> <p>सरासनस्रायै हाजोआरि ओनसोलफोरा गुसु जायो आरो मिथिंगायारि समायनायजों आबुं। गोजौ गोजौ हाजो थिला, दिंग्राय-दिसि लामा, सोमखोर गोथां बिफां-लाइफां, बिबार-बेनदों, दैबाजुम, हाजोआरि दैमा, बरफ, खुवा-जोमै, हाजोनि सिउ सिउ गुसु बार आरो हाजोआरि बायदि हारि-हारिसानि हारिमुजों आबुं बे जायगाफोरा थारैनो बेसेबा गोजोन मोनदांथि होनो हायो। नोंथांमोना बबेबा हाजोआरि जायगाफोर दावबायहैफेरदोंब्ला बे मोनदांथिफोरा सरासनस्राब्लाबो मोनफ्रोमबो जायगाफोरा नोंथांनो माबा नडा माबा गोदानथि मोनदांहोगोन। बे बेलायाव सा-सानजा भारता नोंथांनो जरखा मोनदांथि होनायाव, नोंथांखौ बरायनायाव एसेबो हेव मोनदांहोनाय नडा। सा-सानजा भारता हाजो आरो हायेननि गलायमोनदेर। बबेयावबा गुवार दैमा सेरफां मोनदोंब्ला बबेयावबा सारि सारि हाजो लारि, बबेयावबा लारि लारि हाग्राबारिब्ला बबेयावबा सारि सारि आबादनि लारि। बे गासै जायगाफोरानो नोंथांखौ बरायनो साखाफारा जाना दं। गोसोखौ दाद खालाम, बेदिं लादो आरो गारिल' गाखोदो।</p> <p>बेयाव हाजोआरि ओनसोल दावबायहैनायनि सोमोनदै एसे सावरायनो नाजानाय जाबाय। आं मोजां मोनसिननाय हाजोआरि जायगाफोरनि गेजेराव जोंनि साखाथिनि रायजो मेघालयनि राजथावनि चिलं। आं चिलडाव आइ, आफा आरो बिनानावजों थादोंमोन। थांनाय बेसोरनि गरम बनदवाव थांदोंमोन। जोंनि आसामाव एसेबां गरम, नाथाय मा सोमोनांथाव गुवाहाटीनिफ्राय 120 कि.मि. गोजान चिलंनि बारहावाया जोबोर आलादा। गुवाहाटीनिफ्राय खेंखा-खेंखि लामाजों मिथिंगा बिखा सिंखावलांनायाव बेनि खाथि</p>	5

	<p>खालामनि समायना हाजोआरि नुथाइफोरा थारैनो साफ्रोम दावबायारिफोरखौनो मुहिहोयो। थारैनो जोबोर गिखंधाव मोनसे दावबायनाय। गारिया हाजो सायाव जेसेबांनो दावखोयो एसेबांनो आक्सिजेननि बिबाडा खमायलाडो। गोबां दावबायारिफोरानो हां थोनो थोनो मोनो, खर' गिदिडो, गोबाना लायो। चिलं मोननायनि सिगाडाव मोनलाडो नंपु जेराव ओनसोलारि खासि आइजोफोरा आनारस, खनथाल, औवा मेवाइ, बायदि रोखोमनि ना-बेदरनि आसार, फिथाइ-सामथाइनि गलाय फाननाय नुलाडो। बेनि उनाव गेदेर बरापानि लेक जेराव हाइड्रपावार प्रजेक्ट दं। एसेबां गोजौ हाजो सायाव एसेबां गेदेर बिलो थानाया थारैनो सोमोनांथाव। बिलोनि सेराव ओनसोलारि ना हमग्रा मानसिफोरा बिलोनिफ्राय हमना मोननाय नाफोरखौ आलायनानै फाननायाबो मोनसे जरखा नुथाइ। चिलं नोगोर मोननायनि उनाव थोंजोडै चिलं पिकनिफ्राय दुलाराय चिलंनि टाउननि समायना, नुथाइ, चेरापुन्जिनि 7 सिस्टारस वाटारफल, एलिफेन्टा केभ, बेनि उनाव डाउकि, बांलादेश बर्डर आरो गोबां जायगाफोरखौ नायनो हायो। सानसेयावनो गासै जायगाफोरखौ बेरायजोबनो हाया। बेखायनो हरसे चेरापुन्जियाव थाथ'नानै बेनि अंगुबै रंजानायखौ लानो हायो। चिलंनि गुसु बारहावाया मेंग्लिलांनाय देहाखौ आरोबाव राफोद खालामफिनो, गोदान गोसोजों खामानि मावनो थुलुंगाखांहोयो। हरसेनि थाखायब्लाबो चिलडाव थानो मोननानै अरायनि थाखाय थालांनो लुबैनाया जानोहागौ बयनिबो गोसोखौबो गले गले एगथुलाडो।</p> <p>थारैनो साननैनि दावबायनाया नोंथांखौ, नोंथांनि नखरनि मानसिफोरखौ जोबोरैनो गोख्रों खालामगोन। आइ-आफा आरो बिनानावाबो जोबोरैनो रंजादोंमोन, चिलडावनो अरायनि थाखाय थालांनो लुबैदोंमोन। जानोहागै नोंथाडाबो।</p>	
6.	<p>फिन :</p> <p>बे फरा खोनदोआव धोरोमारि खोमसि फोथायनाय आरो बिगियाननि सैथोनि गेजेराव नुजानाय गेदेर फारगथिखौ दिनथिनो नाजानाय जादों। मोनसे समाव मानसिफोरा धोरोमखौनो सैथो होनना फोथायोमोन नाथाय बिगियाननि जौगानाया मानसिफोरनि गेजेराव थानाय खोमसि फोथायनायफोरखौ जुक्तिजों नायबिजिरनो फोरोंलाडो। बेखौनो गोजौनि फरायाव गेलिलिवनि बिदिनथिनि गेजेरजों फोरमायनो नाजादों। मोनसे समाव दुलाराय मुलुगनि मानसिफोरा फोथायदोंमोन दि साना बुहुमनि सोरगिदिं गिदिडो आरो बेखायनो सान-हर जायो। नाथाय बै समावनो गेलिलिववा नायबिजिरनानै बुंदोंमोन दि बुहुमासो साननि सोरगिदिं गिदिडो, साना गिदिडा। अब्ला बै समनि धोरोमजों सामलायजानाय मानसिफोरा बागदावखांदोंमोन आरो गिखांदोंमोन। मानोना बै समनि खृष्टान धोरोमाव बेखौनो सैथो होननानै साननाय जादोंमोन। बै समनि र'म नोगोरनि धोरोमगुरु प'पनि मासियाबो लुहेहां जादोंमोन। बिसोर सानदोंमोन बे बादि धोरोम बेरेखा बाथ्रा बुंग्रा मानसिया 'चयतान'सो आरो बे दाइनि थाखायनो गेलिलिवखौ इनकुइजिचनाव बिसार खुंनानै अराय जिउ जोबथेसालियाव दोननाय जादोंमोन। नाथाय सैथोखौ रावबो हुखुमुरनो हाया। समनि बाबेननाया, बिगियाननि जौगानाया बयखौबो फोरमान खालामना होबाय दि नंगौ बुहुमासो साननि सोरगिदिं गिदिडो, साना नडा। बे गेदेमा दिहुनथाइनि थाखाय दुलाराय मुलुगनि मानसिफोरा गेलिलिवखौ दिनैबो 'बिज्ञान-गुरु' महरै मान होयो आरो होलांबाय थागोन।</p>	5

7.	<p>फिन:</p> <p>फरायनो होनाय फराखोनदोआव बर' हानिनि जारिमिन आरो गोसारथाइनि बाथ्रा रायखांनायजों लोगोसे गेदेमा असमीया हारि दानायाव बर'फोरनि गोनांथिनि खोथाखौबो लिरगिरिया रायखांदों। बर'वा मोनसे गेदेमा हिरि। सानजा बंग'निफ्राय जागायनानै आसामनि दाब दाब जिलाफोराव गोसारना थानाय बर'फोरहा मोनसे समाव राजा दंमोन, रायजो दंमोन बेनि फोरमायथिफोरखौ सल'-मेथाइ, बायखोनदा नेरसोनफोरनि गेजेरजों मोननो हायो। नाथाय समनि फाखनाव बर'फोरा सेरखाय-बेरखाय जालाडो आरो बिसोरनि राजखुंथाइया गोमालांनो हमो। बे बादि एसेबां गोगोम गेरेमसा हारि मोनसे थासेयावबो आसामाव गेदेमा असमीया हारि दानायनि बाथ्राया बेरखाडो। असमीयाफोरा गावसोरनि राव, हारिमु, दोहोरोम फोसावनायनि बाथ्रा फोसावो। नाथाय बर' बादि मोनसे गेदेमा हारियाबो दि असमीया हारि दानायनि मोनसे मैखोम बाहागो बे बाथ्राफोरखौ गेदेमा दैदेनगिरिफोरा बावगारलाडो। बेखायनो लिरगिरिया गोख्रों रावजों सोंखारिदों जेब्लासिम बर' बादि मोनसे जौगाफुनाय हारिफोरखौ गेदेमा असमीया हारि दाफुनाय हाबाफारियाव लाफाया अब्लासिम गेदेमा आसमीया हारि दानायनि सिमाडा सिमां महरैनो थालांगोन।</p>	5
	- o o o -	